

欽
定
全
唐
文

欽定全唐文卷一百五十一目錄

新文藝出版社藏書

劉洎

論左右丞須得人表

論太子初立請尊賢講學表

諫詰難臣寮上言書

許敬宗

小池賦應詔

欽器賦應詔

掖庭山賦應詔

金史卷之二十一
麥秋賦應詔

竹賦

曲赦并州管内詔

舉賢良詔

勸封禪表

賀洪州慶雲見表

賀杭州等龍見并慶雲朱草表

賀隰州等龍見表

賀常州龍見表

賀富平縣龍見表

百官賀朔旦冬至表

謝勅書表

爲工部尚書段綸請致仕表

請收敘廢黜官僚表

請定釋奠主祭奏

封禪用玉牒奏

欽定全唐文卷一百五十一

劉洎

洎字思道荊州江陵人仕蕭銑爲黃門侍郎銑敗歸國授南康州都督府長史貞觀七年累拜給事中封清苑縣男累遷侍中太宗征遼兼太子左庶子檢校民部尚書留輔太子監國十九年爲褚遂良所誣賜死文明初詔復爵

論左右丞須得人表

臣某言臣聞尚書萬機實爲政本伏尋此選授受誠難是以八座比於文昌二丞方於管轄爰至曹郎上應列宿苟

非稱職竊位興譏伏見比來尚書省詔勅稽停文案壅滯
臣誠雖庸劣請述其源貞觀之初未有令僕於時省務繁
雜倍多於今而左丞戴胄右丞魏徵並曉達吏方質性平
直事應彈舉無所迴避陛下又假以恩慈自然肅物百司
匪懈抑此之由及杜正倫續任右丞頗亦厲下比者綱維
不舉並爲勳親在位器非其任功勢相傾凡在官寮未循
公道雖欲自強先懼囂謗所以郎中與奪唯事諮稟尚書
依違不得斷決或憚聞奏故事稽延案雖理窮仍更盤下
去無程限來不責遲一經出手便涉年歲或希旨失情或

避嫌抑理勾司以案成爲事了不究是非尚書用便僻爲奉公莫論當否遞相姑息唯務彌縫且選賢授能非才莫舉天工人代焉可妄加至於懿戚元勳但宜優其禮秩或年高耄及或積病智昏旣無益於時宜當致之以閑逸久妨賢路殊爲不可將救茲宿弊且宜精簡尚書左右丞左右司郎中如並得人自然綱維備舉亦當矯正趨競豈唯息其稽滯而已

論太子初立請尊賢講學表

臣聞郊迎四方孟侯所以成德齒學三讓元良由是作貞

斯皆屈主祀之尊申下交之義故得芻言咸薦睿問旁通
不出軒庭坐知天壤率由茲道永固鴻基者焉至若生乎
深宮之中長乎婦人之手曾未識憂懼無由曉風雅雖復
神機不測天縱生知而開物成務終由外獎匪夫崇彼干
籥聽茲謠頌何以辨章庶類甄覈彝倫厯考賢聖咸資琢
玉是故周儲上哲師望爽而加裕漢嗣深仁引園綺而昭
德原夫太子宗祧是繫善惡之際興亡斯在不勤於始將
悔於終是以晁錯上書令先通政術賈誼獻策務前知禮
教竊惟皇太子玉裕挺生金聲夙振明允篤誠之美孝友

仁義之方皆挺自天資非勞審諭固以華夷仰德翔泳希風矣然則寢門視膳已表於三朝藝宮論道宜宏於四術雖春秋鼎盛飭躬有漸實恐歲月易往墮業興譏取適宴安言從此始以臣愚短幸參侍從思廣離明輕願聞徹不敢曲陳故事請以聖德言之伏惟陛下誕睿膺圖登庸厯試多才多藝道著於匡時允文允武功成於纂祀萬方卽敘九圍清宴尚且雖休勿休日慎一日求異聞於振古勞睿思於當年乙夜觀書事高漢帝馬上披卷勤過魏后陛下自勵如此而令太子優游棄日不習圖書臣所未諭一

也加以暫屏機務卽寓雕蟲紆寶思於天文則長河韜映
攜玉華於光札則流霞成彩固已錙銖萬代冠冕百王屈
宋不足以升堂鍾張何階於入室陛下自好如此而太子
悠然靜處不尋篇翰臣所未諭二也陛下備該衆妙獨秀
寰中猶晦天聰俯詢凡識聽朝之隙引見羣官降以溫顏
詢以今古故得朝廷是非里閭好惡凡有巨細必關聽覽
陛下自行如此而令太子久入趨侍不接正人臣所未諭
三也陛下若謂無益則何事勞神若謂有成則宜申貽厥
後蔑而不急未見其可伏願俯推睿範訓及儲君授以良

書娛之嘉客朝披經史觀成敗於前蹤晚接賓遊訪得失
於當代間以書札繼以篇章則日聞所未聞日見所未見
副德逾光羣生之福也竊以良娣之選遍於中國仰惟聖
旨本求典內防微慎遠之慮固非羣下所測暨乎徵簡人
物則與聘納相違監撫二周末延一士愚謂內旣如彼外
亦宜然者恐招物議將謂陛下重內而輕外也古之太子
問安而退所以廣敬於君父異宮而處所以分別於嫌疑
今太子一侍天闈動移旬朔師傅以下無由接見假令供
奉有隙暫還東朝拜謁旣疏且事俯仰規諫之道固所未

暇陛下不可以親教官案無因以進言雖有具寮竟將何補伏願俯循前躅稍抑下流宏遠大之規展師友之義則離徽克茂帝圖斯廣凡在黎元孰不慶賴太子溫良恭儉聰明睿哲含靈所悉臣豈不知而淺識勤勤思効愚忠者願滄溟益潤日月增華也

諫詰難臣寮上言書

臣聞帝王之與臣庶聖哲之與庸愚上下相懸擬倫斯絕若乃以至愚而對至聖以極卑而對極尊徒思自強不可得也陛下降恩旨假慈顏凝旒以聽其言虛襟以納其說

猶恐羣下未敢對揚況動神機縱天辯飾辭以折其理援古以排其議欲令凡庶何階應答臣聞皇天以無言爲貴聖人以不言爲德老君稱大辯若訥莊生稱至道無文此皆不欲煩也是以齊侯讀書輪扁竊議漢皇慕古長孺陳譏此亦不欲勞也且多記損心多語耗氣心氣內損形神外勞初雖不覺後必爲累須爲社稷自愛豈爲性好自傷乎竊以今日昇平皆陛下力行所致欲令長久匪由辯博但當忘彼愛憎慎茲取舍每事敦朴無非至公若貞觀之初則可矣至如秦政強辯失人心於自矜魏文宏才虧眾

望於虛說此才辯之累皎然可知伏願畧茲雄辯浩然養
氣簡彼絀圖淡焉怡目固萬壽於南岳齊百姓於東戶則
皇恩斯畢天下幸甚

許敬宗

一

敬宗字延族杭州新城人武德初補秦府學士貞觀時累
除著作郎封高陽縣男高宗朝爲禮部尚書冊拜侍中進
封郡公拜中書令太子少師同東西臺三品咸亨元年致
仕仍加特進三年薨年八十一冊贈開府儀同三司揚州
大都督初諡謬改字恭

小池賦應詔

臣忝班下列胥宇上京欣託巢之有庇體瑾戶之全生爰
鑿小池依於勝地引八川之餘滴通三涇之洋溢慕鑒止
而端形乃游智而清志爾其潺湲繞砌激灩縈除擬高陽
而不足比蹄涔而有餘游瑩劒之微鳥躍露鼎之纖魚乃
若倚井傍通桃蹊俯映仰天津今共澹潔秋景今俱淨倒
列宿以疑珠含望舒而似鏡覩江使之潛處翫波臣之沈
泳於是翻光甕牖漾影蓬門溜激石兮長嘯鳧鼓浪兮相
喧竹凝露而全弱荷因風而半翻足以澡瑩心神澄清耳

目對昆明而取況喻春蘭與秋菊不羨寶於河宗豈希光
於暘谷彼瑤池之高醺固幽遠而空傳此坳堂之信遠遂
騰譽而聞天降臨渭之睿藻連橫汾之曩篇何微生之一
日荷大賚於千年

欽器賦應詔

臣聞人靈貴損天道忌盈朱火中而炎景謝金波滿而哉
魄生察遞來於四序揆迭運於三精淺智昧於成象通識
詳於未萌務循虛而守約處崇高而慎傾爰製宥卮勗茲
居位藏丹楹之峻宇偶清廟之彝器禮虛舟之漾空鑒撲

滿之延崇彼游鱗之盤樂咸見亡於芳餌此貪夫之死權
誠罟駕於名利唯達人兮服道執溫恭兮靜志居泰山以
思危騁高衢而不躓在大明之元覽猶垂旒以蔽聰履克
讓之貞吉尚養正以希蒙矧羣材之小器忘戒溢而虧冲
悟負乘之必蹶敬循崖而飭躬由是鳴謙君子卑以自牧
如彼景山猶藏疾於林麓譬諸巨海亦素王於百谷庶辭
滿而常正固懷空而靡覆若乃求中軌範流慶資源峰潤
由於韜玉葉茂本於根深草卷施而不死木交讓以俱存
梅飛英而斂笑桃絢采而無言燕迎秋兮遁跡鶯移春兮

息喧皆順序而行止得妙物之元門道雅合於斯器故保精而養魂

掖庭山賦應詔

覽先哲之英華遊舊典之場圃善逾遠而斯應德既昭而必溥見漢屏於睢陽驗周藩於有魯表商邱而作鎮規楚室而興宇亦何代其無人諒吾王之邁古於是命世作彌含章挺英允文允武惟誠惟明聽甘棠之暇隙想叢桂之幽情瞰浮雲而志遠瑩寒井而神清乃命僕夫整駕山隅騰鳴笳於通谷擁飛蓋於高衢逍遙仁智之境放曠道德

之區造中天而式宴陵倒景而爲娛星懸珠網日對金鋪
雲承綺棟霓縈繡檻旣而近矚玲瓏遠眺溟濛隔翠微而
半顯厯丹穴而纔通等玉京之仙化侔銀闕之神功於時
百卉敷榮六合清朗霞淡水而川媚風飄林而澗響聳絕
壁之千尋挂懸流之萬丈蔽日月而孤峙吐雲霓而秀上
循折坂而遭迴躡危嶠而來往鑿離暉於石鏡挹瑞露於
雲掌爾其花藥芬披蹊徑參差舒英冒渚擢榦臨崖乍莽
蒼而橫植忽葑茸而倒垂扇晨飈而裊裊含宿霧而猗猗
蔭町疇之毛羣哢間關之羽族或相賀於薨棟或競馳於

原陸駒食藿而馴塲鶯含桃而出谷德澤加於飛走榮光
周於草木日云暮時稍闌暢神襟而體物紀盛跡以濡翰
發詞林之華藻瀉筆海之波瀾命小臣而並作賦大雅而
承歡辭曰芳園兮鬱鬱高岫兮峩峩君王兮遊豫軒蓋兮
經過花同林兮異彩鳥各嘯兮相和野獸鳴兮應鍾石山
英開兮間綺羅侍荆臺之入夢舞洛汭之凌波懸清暉於
日月同眉壽於山河

麥秋賦應詔

臣聞五土異宜四氣分序考宿麥於生類起嚴秋於溽暑

扇漸秀於梅風潤岐苗於穀雨於時陽翹總暢陰呂潛生
當隆曦之首節韞秋令之初萌雜芸黃於綠野參肅殺於
朱明始自天而下降終因地而斯成疇中氣爽壘際風清
引神飈於綺殿指明月於紉扇砌積玉兮疑冰庭飛花兮
似霰矯微陽於修景潄寒露於方甸棟刻桂兮含英井雕
蓮兮發絢雲標峰而勢詭氣登商而節變若乃葉幄垂秀
條帷汎光鶯傳枝而嫋娜蜂散蕊而芬芳對銀縠而偶穠
並金縷而分芒如炎炎之鑠石若懷懷之懷霜資高明以
納豫順中和以自芳非甘泉而滌景異寒氣而浮涼却冰

紉於寶笥屏珍簞於披香命載筆於蓬渚贊天文於柏梁
幸千齡兮此遇奉萬壽兮稱觴

竹賦

惟脩竹之勁節偉聖賢之留賞覽山經而逖聽詠周詩而
遐想掩寰中而獨秀非庶物之所仰若夫嶰谷著美稽山
見知衛國之稱淇澳梁園之賦夾池山陽之翻密葉江潭
之竦喬枝雖有聞於在昔諒無得而標奇乃徙植於廣庭
爰移根於禁苑亘莫草而界列繞醴泉而右轉脩幹橫於
松徑低枝拂於蘭畹對紫殿之初旭臨丹樓而向晚望威

鳳而來儀佇化龍之爲遠爾乃春光變色夏景開松枝藏
戲鳥葉間殘虹上便娟而妨露下檀欒而來風散歸雲之
掩翳引落日之玲瓏雖復嚴霜曉結驚飈夕扇雪覆層臺
寒生複殿惟貞心與勁節隨春冬而不變考眾卉而爲言
常最高於厯選

曲赦并州管内詔

門下上蒼育物大德基於施生前哲至仁大造源於去殺
是以矜愍庶獄得其情而泣辜兼濟含靈窮其巢而解網
朕懷此道逾切古人彼蒼垂鑒使膺司牧爰自幼齒乃屬

時屯五岳爲封豕之墟四海被長鯨之毒茫茫區夏並懸
命於焚原蠢蠢窮黎咸轉骨於冰谷是用仁心內發龔討
外申吟嘯風雲揭日月而清大猷簸跳山河補乾坤以正
封域揅其垂餌之厄惠其壽考之安煦以陽和同被發生
之貺潯以膏潤申茲凱澤之錫粵自斯壤首建鴻名資此
義徒遂登大寶夫小物不忘稟靈周於兆庶惟朕懷舊植
性同其五情語地雖異中陽論心不殊代邸今茲黃髮已
留連於廣宴在彼赭衣宜霑恩於宥罪可曲赦并州管內
貞觀二十年正月十六日申時以前大辟罪已下已發覺

未發覺已結正未結正繫囚見徒皆赦除之其犯十惡故
殺人劫賊傷人謀殺人已傷官人枉法受財監治主守自
盜所監治并常赦不免者不在赦例其有挾藏軍器亡命
山澤百日不首復罪如初敢以赦前事相告言者以其罪
罪之

舉賢良詔

門下高明之天資星辰以麗象博厚之地藉川岳而成形
況於帝王體元立極臨馭萬物字養生民者乎所以致治
之君遠讒佞近忠良屈己以伸人故能成其治爲亂之主

親不肖疎賢臣虐下以恣情用能成其亂明君遵彼而興
國暗主行此而亡身是以朽壤毀於蓮峯巨蠹傷於翠葉
蓮峯墜澗竟無反嶺之期翠葉隨風終無歸林之望故知
亡者難以復生敗者不可重全所以御朽臨冰銘心自戒
宵興盱食側席思賢庶欲博訪邱園搜採英俊弼我王道
臻於太平可令天下諸州明揚側陋所部之內不限吏民
其有服道栖仁澄心礪操出片言而標物範備百行以綜
人師質高視於琳琅人不間於曾閔潔志邱園揚名里閭
或甄明政術曉達公方稟木鐸於孔門受金科於鄭相奇

謨開發明畧可以佐時識鑒清通偉才堪於幹國或舍章
傑出命世挺生麗藻邁文馳楚澤而方駕鉤深覲奧振梁
苑以先鳴業擅專門詞高載筆或辯調春園談瑩秋天發
研機於一言起飛電於三寸蓋期奔箭未遂揚廷並宜推
擇咸同舉薦以禮將送具狀奏聞限以今冬並與考使同
赴庶擬焚林之舉咸矯翼於嚴廊尺木之堦方振鱗於遊
霧翹心俊乂稱朕意焉主者施行

勸封禪表

臣某等言臣緬尋三古縱觀百王裁玉牒之靈文酌金繩

之雅誥稽諸列辟用考當今徵天意於機祥昭昭乎溢目
察人心於謠詠洋洋乎盈耳參三才之奧蹟驗百神之感
通諒可出震登封申明聖政乘春告禪仰答元功而睿旨
謙沖固違僉願徇茲小讓淹斯大典臣等愚思竊所未喻
臣某等誠惶誠恐頓首頓首死罪死罪臣聞崇高不極至
哉乾象之尊博厚無涯大矣坤靈之德若乃代兩儀以亭
育體覆燾之無私法四序以平分運陰陽而不測者非聖
人孰能與於此乎是以天道運昌靈命係於元后帝圖昭
格裡禮歸於昊穹鴻名列乎三大廣運由乎一體齊明合

德抑斯之謂歟粵自生民肇興司牧朱襄皓英之日黃軒
葛天之世莫不雷鼗振響節萬舞於雲門大路脂輪籍千
藁於羸里使夫空桑孤竹仰鈞天而合奏十碑再累齊厚
地以相終斯道旣行常爲稱首奉天之務義極於茲伏惟
皇帝陛下陶冶生靈雕鏤品彙立四維於草昧再造寰區
射九日之流金鬱興精耀德淪垓表功凝帝先於是戶牖
三光提封六合不言而化舉炎燧之菁華無爲可則軼堯
舜之文軌故已道光紫極慶溢乾元豈與夫七十二君可
齊年而語矣是以圓精朗鑒瞻欽明之同德方祇効祉祚

至仁之比義馳薰風而驛膏露靈心急於置郵驟澤馬而
騫山車神物切於推轂上帝之情已見天人之際乃交推
之不居疇克與讓臣等中謝臣又聞之太岳臨雲登其峰
而小天下岱宗零雨不崇朝而彌海內信天地之關鍵爲
人祇之會同雖復稽社分區云亭允峙陰崖俯禪猶或多
途陽嶠乾封必歸斯境自九皇而發迹厯萬代而無差曩
者帝道浸微淳風不競南茅北秬綿百世而寂寥升中告
成厯千祀而湮墜使太山靡紀梁甫曠巡復盛禮於休明
企來蘇於肆覲大夫之樹傾柔荑以望塵仙人之間聳危

峰而佇眴中外禔福幽明會徵敬候翠華之旗紀號青陽
之日實望夙恭儲祉仰副元符召圓冠徵博帶緝無懷之
逸憲採夷吾之舊文式道揚鑾錯事介邱之表飛英騰茂
展采日觀之前闡絕代之丕業盡天子之能事榮眴融於
往初尊號洽乎區有則懷生之類冠帶之倫甘夕死於朝
聞傾朝野而相賀接萬齡於旦暮亦何樂以如之臣等預
在普天咸蒙大造叫帝閭而引領佇神儀之改容昧死干
陳期於獲命不任悃欵之至謹詣闕奉表以聞

賀洪州慶雲見表

臣某等言臣聞靈心不測叶至道以升聞上帝無聲候休明而降祉同夫影響在感斯通相彼天心實交其際伏惟皇帝陛下垂光御極體睿凝圖始自憂勤寧羣飛於海外賜之仁壽拯塗地於寰中總絕代之英聲實無爲之美政三秦咸泰六府斯歌首冠往初功無取譬德澤共二儀潛運清明與七曜齊光是以邇無不安遠無不屈雕題鏤齒之類欵郊甸以相趨氈裘板屋之酋入提封而請吏上騰下漏天平地成嘉氣內充卿雲以之舒彩盛德外發非煙由其散色竊見守洪州長史張惟善等稱以六月二十六

日於城內見慶雲自旦及申然後方散謹按瑞應圖曰慶雲者太平之應孝經援神契曰德至山林則景雲出又曰天子孝則慶雲見金枝玉葉若臨軒帝之營蕭索氤氲復入唐臣之詠自非工倖造化道格上蒼光含六幽恩流四海安能致茲神感式彰靈貺元黃間起朱紫相輝千載合符如斯之盛也雖復駢枝合穎匹此爲輕絳雪元霜曾何足喻凡諸率土預在肖形沐浴皇風用伸鳧藻沉以臣等謬忝衣簪旦夕巖廊親聞錫瑞相呼抃躍實百常情不勝悅豫之至

賀杭州等龍見并慶雲朱草表

臣某言臣聞休氣降祥與聖人而合契明靈之眎候昌辰而咸通自五帝寂寥九皇悠緬神龍逃夏中之世一去莫追景靈歇伊帝之朝千齡不嗣逮乎茲日翔驟來儀天道去人何其交際伏惟皇帝陛下化隆乾棟施厚大鑪馭三光以照臨總萬寓而光宅雖復荒陬之遠億兆之多一物不安則宵衣載惕四夷有罪則納隍興歎日者東師作梗類農皇之夙沙交河阻兵等軒后之獯獫元戎所鞠大漢申湧醴之奇齊斧裁加昌海效靜波之慶旣而西師獻捷

東岱希封日告禎機歲登靈稼表裏褷褷彰外平而內成
幽顯合符叶天意於人事伏見杭州刺史潘求仁表稱於
錢唐縣界見青龍一又江州刺史左難當稱尋陽縣界見
青龍二又得汝州及沂州狀稱所部各有慶雲見又延州
刺史席辨稱臨貞縣界有朱草生臣等以管窺天之意若
曰青者方色宜順動以東巡龍者帝閑可駢驂於大輅非
煙五色雜雲旗於翠華朱草三英代靈芽於芳籍豈非以
茲幽旨警悟皇情促升中以奉高與臣等自慶一生預逢
千載雖復仲尼將聖恨出圖之未期夷吾大賢嗟比翼之

難致羣臣庸昧竊譬古人幸遇休明勝之多矣披祥溢目
觀祕驚心庇大厦以相歡荷施生而罔謝無任鳧藻之至

賀隰州等龍見表

臣某等言臣聞徇齊御極元扈表其麇鳳文思則天黃河
貺其龍馬是知利充於物乾坤應而合符行出於身明靈
感而幽贊伏惟皇帝陛下道登邃古功濟懷生發軔升陟
墾災除害坐玉帳振金鼓運天機掩區縣然後散服林塞
偃伯靈臺羈左袵以長纓同文軌於遐裔禮高年以執酒
酌闕通孝敬於神明猶且昧且丕顯凝旒庶政臨草纓而

罪已削金牒以勝殘化洽風移禮循樂備是以百靈効職
四海夷波物不疵厲人無眚窳煙雲動色星辰叶契儀雙
觥之駿奔奠飛甘之清醴黃金掞彩紫玉攜英粵自驪陸
之前其事無得而聞羲軒之降書契可畧而詳焉未有茂
實鴻名若斯光大休徵美瑞如此感通伏見隰州刺史表
裏疑異度表稱某日月青龍見隰州城北大四五圍長八
九丈謹按瑞應圖云青龍水之精乘雨而下不處深泉王
者有仁則出竊惟升雲騰霧孔氏論而不知凌江負舟大
禹對而猶懼豈如丹文綠錯驟簡皇情或躍日飛極遊明

世蒸哉懿已絕名闕考歷觀圖將何取譬臣等撫躬私朴
鼓腹相歡忽以微生同沾大賚逢物觀之昌運覽天祚之
禎符開闢以來未聞斯遇千齡一會猶謂比肩何幸之深
親承旦暮鸞雀相慶實百常情不勝悅豫之至

賀常州龍見表

臣某言臣聞聖人作而萬物覩神靈滋而百寶用是以飛
龍御天五雲勝彩潛龍涵池四海夷波軒帝由其受圖太
昊以之爲紀莫不游泳宮沼駢服與鑾玉牘丹文與會昌
而契合金繩綠錯候休明而降祥伏惟皇帝陛下道極上

蒼功成下武重光煥籙體睿凝圖至德充於兩儀大孝刑
於四表網地張天之謂武制禮裁樂之謂文惟幾惟深運
神樞而不測無爲無事致寶厯於平分故能網絡九重琢
磨三代溥天之下用至道而不知懷生之倫荷大造而無
謝於是湛恩洋溢休氣氤氲上格天下漏泉不私其照日
月爲之揚彩不愛其道鱗介所以騰文神物有徵於斯不
忒伏見常州別駕終文英表稱所部晉陵縣尉信都叔卿
等七人以六月十三日於縣城南雲雨之際見有青龍長
數十丈大八九圍久之乃沒謹按熊氏瑞應圖曰有仁聖

君子在外不肖斥退則見惟皇作極感而遂通惟德動天
無遠不應是使四靈嘉瑞叶千祀之登期五色榮光高萬
古之靈貺方且以茲嘉祉造類云亭頌其徽猷歸功清廟
豈與夫魚生露鼎蔡上荷心竹葦凝珠晨昏合璧校其優
劣何可同年而語哉臣等運偶明時預聞靈慶不任鳬藻
之至

賀富平縣龍見表

臣某等言臣等厯選前辟皇王之道詳焉遐觀曩載致治
之方備矣竊聞垂衣垂裳之世追獮鬻而匪寧乘舟乘櫓

之期卽析支而僅敘堯民有竄徒謂可封湯禱無徵非能
具美道光史冊幽贊禎符各擅鴻名俱爲稱首況以括地
成象中天作鏡代元功而造物叶神化以開祥取譬前修
豈同年而語矣伏惟皇帝陛下受初或躍嘯命風雲廓彼
重昏裁成法晷張維立極不盈少選之間邁五登三度越
千齡之表施生靈於動植日用者不知混覆燾於華戎航
深者忘遠巍巍乎赫赫乎書契已來未聞之也猶且留神
昧旦克念終朝去歲以膏澤遲時撤八珍而罪已今春以
濯枝未降輟萬騎於甘泉徇物爲心憂勤至矣於是天先

致感畝積餘糧聖敬日躋虛心效祉近得富平縣令獨孤
仁宗奏云十二月一日白龍見又得沂州刺史李道遷狀
云去年二月內景雲出又臣聞之天飛水游洞陰陽而不
測雲行雨施混神妙而無端龍之謂靈義彰於此至乃千
年韓疑慶四和克瑞名叶堯歌色符軒紀卿雲所貺復在
於斯陛下挺睿哲之資納明靈之祐是以沖天宛宛貫六
位以呈祥祕景紛紛亂五章而發彩故能遠安邇肅理定
功成動而弗違告禪展禮禋祀報功使夫同和之樂與鈞
天而並奏無體之禮對上蒼而比隆超出萬古之前獨立

九皇之上道格區宇何其盛歟臣等屬會昌辰曲成惠日
倏聞嘉瑞再佇升中慶賴之深實兼懼忤不任鳧藻之至
百官賀朔旦冬至表

臣聞乾坤資始上元開歷象之端日月還流朔旦正璇衡
之本事韞有形之表理遂無物之先故能運彼神樞材成
庶類麗茲黃道孕育羣生惟聖則天允執在躬之歷惟皇
作極必叶履端之契所以書稱敬授易曰明時克正隆平
無非此道伏惟皇帝陛下聲凝祕籙功宏造化縱如神之
宏覽體不言於四海發就日之光華同無私於七曜階蓂

循晷阿鳳吟辰元精究開闢之初握先窮名數之始裁炎
涼於玉管節雨露於金渾道格彼蒼仁霑無外八紘受朔
盡入封疆九譯承風遠遵文軌昆蟲涵於凱澤草木汎於
榮光由是上感天而下漏泉不愛道而效其寶肇一元於
甲子致希世之貞符挾五始於長至播光前之茂禮伏見
宣義郎李淳風表稱竊見古厯分日起於子半勘得今歲
十一月甲子朔旦冬至而故太史令傅仁均欲苟異張曹
元法減餘稍多子初爲朔遂差三刻用乖天正然自初及
半日月全未相離算與太初事皆符合奉勅付有司及經

術者詳加考定以議奏聞於是鴻生碩儒咸稽茂典研精覃思俱考舊文國子祭酒臣孔穎達十有一人與尚書八座參議得失咸以爲仁均定朔事有微差淳風推校理尤精密謹按漢書云古者黃帝合而不死應劭云厯合天心而得僊也又按益部耆舊傳云洛下閎改顓頊法更作太初厯自云後八百歲此厯差一日有聖人出定之斯乃差日濫觴久著之於冥兆聖出之驗叶當今之有徵俯會八百之期遠叶九僊之道臣等緬惟邃古厯考前王若乃萌氣黃鍾兆根元牝闡其幽而藏其用窺其奧而開其文列

聖存而不論故無得而稱也自圖書爰始三統騰鑣皇王
以來六家分軫帝軒垂憲大撓汨其洪源伯禹嗣興小正
窮其至蹟命羲叔於唐厯考箕子於周年以或元乙司分
翠虬定箭登清臺而索隱揆圭表以知微事緒多途無聞
感應猶且各稱書契並擅鴻名改年號以應元符禮日觀
而爲稱首豈與夫兩儀同德五緯齊明景延南正星躔北
陸聯珠候朔的皪清漢之間合璧規天徘徊紫霄之上校
先代之優劣豈同年而語哉庶當玉輅徐輪金泥祕檢塗
山之下會百神而合符介邱之側朝萬玉而光輝天人交

際不亦休歟臣等生屬壽昌累逢祉福至於今慶曠古無
儔何幸如之親承旦暮不任欣躍之至

謝勅書表

臣某言奉今月十一日勅伏開瑤檢等鑿竅而覩虹霓載
荷絲言似假翼而騰雲漢臣以愚劣本乏詞情比加褒耄
更增才盡年踰郭北滯守周南引領天庭望丹霄而結戀
馳魂魏闕懼黃落而長違忽預聞韶方深擊壤之慰詞均
鄭璞匪無遼豕之慚精衛銜芻豈究靈鼈之境秋螢繼日
安測陽羽之昇天澤滂濡恩光曲照剪拂錫其容彩吹噓

飾其羽毛雕朽爲妍竊比鏗金之響涸鱗霑潤縱游陸海
之深不勝抃躍之至謹附右宗衛副率賀拔儼奉表陳謝
以聞謹言

爲工部尚書段綸請致仕表

臣綸言臣質輕散木運忝連姻濫叨右戚之榮曲荷睦親
之禮攀鱗切漢顧毛羽而多慙雕朽成姿撫簪纓而自失
在梁之誚甲子徒深大造之恩涓塵靡報常懷戰灼夙夜
無忘况以蒲柳易衰犬馬將暮沈疴歲積昏耄日侵雖復
年未杖鄉而疾乖陳力愒陰理務沈迷簿領之書伏枕當

官敢數彝倫之序久尸寵祿事等曠官內省愆尤何顏在
職冒乞骸骨退就廬田庶得休閒微加攝餌則皇天有施
生之惠庸臣免偷安之責倘蒙恩許負岳爲輕但頓億在
躬方違旦夕仰輕檻而增戀望霄極以長懷伏紙陳誠心
靈戰越不任悲愴之至

請收敘廢黜官僚表

臣聞先王慎罰務在恤刑往哲寬仁義在宥過聖人之道
莫尚乎茲竊見廢官官僚五品以上除名棄斥頗厯溫寒
但庶人疇昔之年身處不疑之地包藏悖逆陰結宰臣所

預姦謀多連宗戚禍生慮表非可防萌宮內官僚迥無關
預今乃投鼠及器孰謂無冤焚山燬玉稍同遷怒伏惟陛
下至德欽明哀矜庶類聖情冥感昭格上蒼是天監孔明
重申靈命神襟喜念恩加率土爰詔寬鞫覃被普天惟此
數人未沾洪造伏尋先典例有可原昔吳國陪臣則爰絲
不坐於劉渚昌邑中尉則王吉免緣於海昏譬諸藥布乃
策名於彭越比乎田叔亦委質於張敖主以兇逆陷其誅
夷臣以賢良荷彼收擢厯觀往代此類尤多近者有隋又
遵斯義楊勇之廢罪止加於佞人李綱之徒旨不預於刑

網古今裁其折衷史籍稱爲美談而今張元素令孤德蔡
趙宏智裴宣機蕭鈞等並砥節礪操有雅望於當朝經明
行修播令名於天下或以直言而遭箠朴或以忤意而見
猜嫌一槩雷同並罹天憲恐於王道傷在未宏臣早預藩
寮深蒙錄舊趨馳左右二十餘年伏見絲言每求興誦所
懷狂狷輕敢以聞

請定釋奠主祭奏

按禮記文王世子凡學官春釋奠於其先師鄭元注云官
謂詩書禮樂之官也彼謂四時之學將習其道故儒官釋

奠各於其師既非國學行禮所以不及先聖至於春秋二時合樂之日則天子視學命有司典秩卽總祭先聖先師焉秦漢釋奠無文可檢至於魏武則使太常行事自晉宋以降時有親行而學官主祭全無典實且名稱國學樂用軒懸罇俎威儀蓋皆官備在於臣下理不合專况凡在小神猶皆遣使行禮釋奠既準中祀據理必須稟命今請國學釋奠令國子祭酒爲初獻祝辭稱皇帝謹遣仍令司業爲亞獻國子博士爲終獻其州學刺史爲初獻上佐爲亞獻博士爲終獻縣學縣令爲初獻縣丞爲亞獻博士既無

品秩請主簿及尉通爲終獻若有闕並以次差攝州縣釋奠既請遣刺史縣令親爲獻主祭望準祭社同給明衣修附禮令爲永式

封禪用玉牒奏

謹按司馬彪續漢書建武三十二年封太山求元封故事所施用者有司奏用玉牒書藏方石中厚五寸長尺三寸廣五寸有玉檢厚二寸長短濶狹一如玉牒又按說文云簡牒也則知牒是簡之別名且牒是片竹故其字從片封禪牒雖用玉其制宜與竹同廣厚五寸何名簡牒又按孝

經鉤命決云六經冊長尺四寸孝經冊長尺二寸遍檢古之簡牒無尺三寸之制臣等參詳典故務取折衷其玉牒請同玉簡冊長尺二寸廣寸二分厚三分以金繩連編固簡之數隨文多少盛之玉匱封牒石內則合古文於事爲允

欽定全唐文卷一百五十二目錄

許敬宗 二

代御史王師旦彈莒國公唐儉文

請立皇太子疏

邊豆數議

郊社燔柴先焚後祭議

定宗廟樂議

藏宏農府君神主於夾室議

爲司徒趙國公謝皇太子寄詩牋

謝皇太子玉華山宮銘賦啟

上恩光曲歌詞啟

瑜伽師地論新譯序

大唐故尚書右僕射特進開府儀同三司上柱國

贈司徒并州都督衛景武公碑

并序

唐并州都督鄂國公尉遲恭碑

大唐故中書令高唐馬公碑

大唐尚書右僕射司徒申文獻公瑩兆記

欽定全唐文卷一百五十二

許敬宗二

代御史王師旦彈莒國公唐儉文

臣聞古人蒞職不膳池魚前良罷官尚留家犢拔園葵而自潔垂往哲之通規飲吳水而齊清標曩代之遺則若乃營求不已貪猥無厭徇私利而黷官方挾朝權而侮天憲有一於此必寘明科風聞唐儉往任尚書之日付託前鹽州刺史張臣合遣錄事參軍張正表元大節等專令檢校牧放私羊所判文書自云檢示約束剪毛之貨易州僚判

署潛立公文市司勘佑一同官案并有放羊人康莫賀咄
所署文牒共稱牧長依問巡察使楊蕃狀與所聲秩同謹
按前兵部尚書光祿大夫莒國公唐儉門資斗食器劣餅
筭在勢爲優唯聞酒德席賓常滿無匪博徒以逐兔之微
庸屬鳳翔之興運功未參於執帛賞已茂於桓圭效無補
於經綸位乃隆於常伯由是越自泥滓超驤雲漢甲第高
門與絳灌而並列朱輪翠蓋共吳鄧以齊驅寵出勳前化
家開國任超才表揮翼在梁慙膽隳肝未答謬官之刺驛
魂飛魄豈謝匪服之榮反復乘此恩波肆其豁壑之性憑

茲惠渥縱其姦慝之心敢以私產託於州將芻豢交易並
立案於曹司牧園家童咸假署於名級情包僭擬家有擅
除以此論憊深驚視聽稽諸往冊國有常科其鹽州刺史
張臣合昔在部符寵膺繁露趨其勢位擅役官僚資給貪
夫成其敗類順行私令汨亂天綱請皆付法以清攸斁無
任嫉惡之至謹奉白簡以聞

請立皇太子疏

臣聞元儲以貴立嫡之義尤彰罔敢同名正本之文逾顯
所以內崇宗廟外重郊社取鑒前王行之自久陛下憲章

千古含育萬邦爰立聖慈母儀天下繼而皇后生子合處
少陽出自塗山是謂吾君之允夙嫺胎教宜展問豎之心
乃復爲孽奪宗降居藩邸縱然養德猶韜甲館之符未纂
承華尚阻商山之道是使前星匿彩瑤岳韜峯臣以愚誠
竊所未喻且今之守器素非皇嫡永徽爰始國本未生權
引彗星越升明兩近者元妃載誕正允降神重光有融爚
暉宜息安可以濫茲皇統叨據溫文國有諍臣孰逃其責
謹按春秋左氏傳云隱公元年春不書卽位攝也昔宋武
公生仲子有文在其手曰爲魯夫人故仲子歸於我生桓

公是以隱公立而奉之自營菟裘遜而歸老孔子褒其讓
嫡旌於比事之書又東觀漢史云光武皇帝子彊居長建
武之初爲皇太子及皇后陰氏有子曰莊繇是彊不自寧
固求遜位帝乃從之封彊爲東海王竟以莊爲太子是爲
孝明皇帝竊惟息姑克讓可以思齊劉彊守藩宜遵往軌
追蹤太伯不亦休乎踵武延陵固當安矣寧可反植枝幹
久易位於天庭倒襲裳衣使違方於震位蠹爾黎庶云誰
係心垂裕後昆將何播美又且父子之際人所難言事或
批鱗必嬰嚴憲臣竊爲身計苟且隨流尸祿偷榮故知無

咎伏自思忖荷聃先朝引於陋巷之中申以後車之禮雲
臺畫象十有八人三紀於茲唯臣僅在趨事陛下綿歷二
坊叨處調護之流濫齒正人之伍蔭璇華於望苑雕朽木
以爲容推鑿轂於天衢偶雞樹而徒老常思勉力少報洪
恩旣屬天步康寧效沈族而無所太階平晏須焚宗而靡
由今茲冢嗣執珪下枝當璧孟侯淪屈大典未申臣旣分
職文昌典司嘉禮位陪宗伯弗敢曠官效命之秋宜在茲
日所以思不出位輕叫帝闕冒嚴威干斧鉞忘忌諱竭精
誠天或弗違從其至理朝聞夕殞忭若登仙如塞讜言譴

其芻豢煎膏染鼎亦所甘心仍望奉見指陳彝典

籩豆數議

按令光祿式祭天地日月嶽鎮海瀆先蠶等籩豆各四祭宗廟籩豆各十二祭社稷先農等籩豆各九祭風師雨師等籩豆各二尋此式文事深乖謬社稷多於天地似不貴多風雨少於日月又不貴少且先農先蠶俱爲中祭或六或四理不可通先農之神尊於釋奠籩豆之數先農乃少理實差舛難以因循謹按禮記郊特牲云籩豆之薦水土之品不敢用褻味而貴多品所以交於神明之義也此卽

祭祀邊豆以多爲貴宗廟之數不可踰郊今請大祀同爲十二中祀同爲十小祀同爲八釋奠準中祀自餘從座並請依舊式

郊祀燔柴先焚後祭議

簡新禮祭畢收玉帛牲醴置於柴上然後燔柴燎壇之左臣敬宗謹按祭祀之禮必先降神周人尚臭祭天則燔柴祭地則瘞血祭宗廟則燂蕭灌鬯皆貴氣臭用以降神禮經明白義釋甚詳委柴在祭神之初理無所惑是以三禮義宗等並云祭天以燔柴爲始然後行正祭祭地以瘞血

爲先然後行正祭又禮論說太常賀循上言積柴舊在壇南燎祭天之牲用犢左胖漢儀用頭今郊用脅之九个大宰令奉牲脅太祝令奉圭璧俱奠燎薪之上此卽晉氏故事亦無祭末之文旣云漢儀用牲頭頭非神俎之物且祭末俎皆升右胖之脅唯有三禮賀循旣云用祭天之牲左胖復云今儀用脅九个大足明燔柴所用與升俎不同是知自在祭初別燔牲體非於祭末燒神餘饌此則晉氏以前仍遵古禮唯周魏以降妄爲損益納告廟之幣事畢瘞埋因改燔柴將爲祭末事無典實禮闕降神又燔柴正祭牲

玉皆別蒼璧蒼犢之流柴之所用四圭駢犢之屬祀之所
須故郊天之有四圭猶祀廟之有圭瓚是以周官典瑞文
勢相因並事畢收藏不在燔例而今新禮引用蒼璧不顧
圭瓚遂亦俱燔義既有乖理難因襲又燔柴作樂俱以降
神則處置之宜須相依準柴燎在左作樂在南求之禮情
實爲不類且禮論說積柴之處在神壇之南新禮以爲壇
左文無典故請改燔柴爲祭始位樂懸之南外壝之內其
陰祀瘞埋亦請準此

定宗廟樂議

臣聞七廟觀德義冠於宗祀三祖在天式彰於嚴祀致敬
之情允洽大孝之道克宣是以八佾具陳肅儀形於綴兆
四懸備展被鴻徽於雅音著作樂之明義擇皇王之令典
前聖所履莫大於茲伏惟皇帝陛下天縱咸通率由冥極
孝治昭懿光被於八埏愛敬純深追崇於百世一作葉永言

錫祚思宏頌聲鍾律革音播鏗鏘於享薦羽籥成列申蹈

厲於蒸嘗爰制典司加隆

一作崇

稱號循聲覈實敬闡尊名

竊以皇靈滋慶濬源長委邁吞鷺之生商軼擾龍之肇漢
咸韜光於九二漸發迹於三分高祖紐地補天重張區宇

返魂肉骨再造生靈恢恢帝圖與二儀而合大赫赫皇道
共七曜以齊明雖復聖迹神功不可得而窺測經文緯武
敢有寄於名言敬備樂章式昭彝範具列如左皇祖宏農
府君宣簡公懿王三廟樂請同奏長發之舞太祖景皇帝
廟樂請奏大基之舞世祖元皇帝廟樂請奏大成之舞高
祖大武皇帝廟樂請奏大明之舞文德皇后廟樂請奏光
大之舞七廟登歌請每室列奏謹議

藏宏農府君神主於夾室議

謹按舊儀漢丞相韋元成以爲毀主瘞埋但萬國宗饗有

所從來一旦瘞埋事不允愜晉博士范宣意欲別立廟宇
奉征西等三主安置其中方之瘞埋頗叶情理事無典故
亦未足依又議者或言毀主藏於天府祥瑞所藏本非斯
意今謹準量去祧之外猶有壇墠祈禱所及竊謂合宜今
時廟制與古不同共基別室西方爲首若在西夾之中仍
處尊位祈禱則祭未絕祈享方諸舊儀情實可安宏農府
君廟遠親殺詳據舊章禮合迭毀臣等參議遷奉神主藏
於夾室本情篤教在理爲宜

爲司徒趙國公謝皇太子寄詩牋

無忌惶恐白內使榮陽夫人至蒙寄歎別五韻并垂示擬
古一首蹤開玉札炫目澄心行諷金聲式歌且抃竊惟化
成天下資繫象以導洪源體物緣情自風騷而綿列代莫
不咸相祖述罕見生知伏惟殿下摘絢紹天含章挺睿溫
文表裕藻清漢於離暉麗則凝華縟春秋於博望乃以監
守餘暇俯貺清篇覽夜月之流光降無私於遠客想懸旌
之未卷察翹心於征旆加又作依依垂柳益愴邊城鬱鬱
中園偏傷遠塞殊私所被文旨兼深詞運理而參神氣凌
雲而含粹五章間發若啟榮光之圖六律相宣如覲奏金

之字無忌幸從神武愧乏王粲之才忝降斯文益深吳質
之戀無任感荷慶躍之至於是叩寂求音繼震方之逸響
披肝見意吐燭火之微光某頓首頓首謹言

謝皇太子玉華山宮銘賦啟

臣敬宗行成季輔等啟昨晚內坊丞王君德奉宣令賚臣
等玉華山宮銘賦二本拜承恩貺駭抃交懷跪玩清辭江
河溢目伏惟殿下天資學府道貫生知絢發詞林若春華
之麗韶景漪清碧海譬秋水之澹晨霞仙鶴和吟慙八音
於雅韻神龍縹彩謝五色於雕文綺布天庭雲生石砌理

金史卷之五 卷之五 二
含貞邃雅達谷處之端趣極幽閑妙盡崑居之體烟松合
翠露桂分紅察彼殊形翻然共色究寫真之奧旨擅體物
之窮神若乃漢月鉤空乍臨珠箔石苔垂髮式映莊帷莫
不理超辭表意生文外自餘清拔觸類奇新成若神化之
工光乎性道之製蓋由基天挺裕纂聖凝離故能邁古超
前納卿雲於度內逾儔絕侶括啟誦於胸中臣等忝荷殊
私曲蒙垂示見所未見情百恒品無任鳧藻之懷謹上啟
陳謝謹啟

上恩光曲歌詞啟

某啟少傅元齡奉宣令旨垂使撰恩光曲詞六言四章章
八韻謹率愚管宣述睿懷自惟淺陋深懼不允竊尋樂府
雅歌多皆不用六字近代有三臺傾盃樂等艷曲之例始
用六言今故雜以今字稍欲存於古體起草適畢未敢爲
定蒙假不獲面啟對封藁本上呈可不之宜伏聽後命謹
啟

瑜伽師地論新譯序

原夫三才成位爰彰開闢之端六羽爲居猶昧尊卑之序
訊餘軌於襄陸淪胥靡徵考陳跡於懷英寂寥無紀暨乎

黃軒振武元頊疏功帝道盛於唐虞王業著於殷夏歲蕤
玉冊照耀金圖茂範曾芬詳諸歷選然則基神襲聖衍慶
搞和軼三代而孤標掩百王而迴秀我大唐皇帝無得而
稱矣斷鼇初載萬有於是宅心飛龍在辰六幽於是仰德
偃洪流而恢地絡練清氣而輯天維散服韜戈扇無爲之
道移澆反樸宏不言之化悠悠庶類叶夢於華胥蠢蠢懷
生遂性於仁壽大禮大樂包曲臺而掩宣榭宏謨宏典澄
璧水而藻環林瑞露禎雲翊紫空而表貺祥鱗慶翼擾丹
禁而呈符歲精所記之洲咸爲疆場暄谷所談之縣並入

提封廣闢轅宮被文軌於殊俗還開姬奭正朔於王會
大業成矣大化清矣於是遊於羽陵寓情延閣總萬篋於
天縱表一貫於生知洞照神襟深窮性道俯同小技則絢
發三辰降習微毫則妙逾八體居域中之大寶畢天下之
能事雖則甲夜觀書見稱優洽華旦成曲獨擅風猷仰校
鴻徽豈可同年而語矣有元奘法師者昭彰辯慧躡身毒
之高蹤生稟神奇嗣摩騰之芳軌爰初束髮卽事抽簪迴
出蓋纏深悟空假研求四諦嗟謬旨於真宗鑽仰一乘鑒
訛文於實相遂乃發宏誓願起大悲心思拯迷途親尋正

教幸屬時康道泰遠安邇肅裂裳裹足直趨迦維閭皇澤
於遐方徵釋教於前域越葱嶺之外猶跬步而忘遠遵竹
園之左譬親受而何殊訪道周遊十有七載經途所亘百
有餘國異方之語資一音而並貫未譯之經罄五財而畢
寫若誦若閱喻青蓮之受持半句半頌隨白馬而俱反以
貞觀十九年持如來肉舍利一百五十粒佛像七軀三藏
聖教要文凡六百五十七部還至長安奉敕於宏福寺安
置令所司供給召諸名僧二十一人學通內外者共譯持
來三藏梵本至二十一年五月十五日肇譯瑜伽師地論

論梵本四萬頌頌三十二言凡有五分宗明十七地義三
藏法師元奘敬執梵文譯爲唐語宏福寺沙門靈會靈雋
智開和仁會昌寺沙門宏度瑤臺寺沙門道卓大總持寺
沙門道觀清禪寺沙門明覺承義筆受宏福寺沙門宏暮
證梵語大總持寺沙門宏應正字大總持寺沙門道宏實
際寺沙門明玉寶昌寺沙門法祥羅漢寺沙門慧貴宏福
寺沙門文備蒲州栖巖寺沙門神泰廓州法講寺沙門道
深詳證大義本地分中五識身相應地意地有尋有伺地
無尋唯伺地無尋無伺地凡十卷普光寺沙門道智受旨

綴文三摩呬多地非三摩呬多地有心地無心地聞所成
地思所成地修所成地凡十卷蒲州普救寺沙門行友受
旨綴文聲聞地初瑜伽種性地盡第二瑜伽處凡九卷元
法寺沙門元蹟受旨綴文聲聞地第三瑜伽處盡獨覺地
凡五卷汴州真諦寺沙門元忠受旨綴文菩薩地有餘依
地無餘依地凡十六卷簡州福衆寺沙門靖邁受旨綴文
攝決擇分凡三十卷大總持寺沙門辯機受旨綴文攝異
門分攝擇分凡四卷普光寺沙門處衡受旨證文攝事分
十六卷宏福寺沙門明濬受旨綴文銀青光祿大夫行太

子左庶子高陽縣開國男臣許敬宗奉詔監閱二十二年
五月十五日絕筆總成一百卷佛滅度後彌勒菩薩自觀
史多天宮降於中印度阿瑜陀國爲無著菩薩之所說也
斯固法門極地該三藏之遺文如來後心暢五乘之奧旨
元宗微妙不可思議僧徒並戒行圓深道業貞固欣承嘉
召得奉高人各罄幽心共稟新義功畢奏上有感宸衷曲
降殊恩親裁鴻序情超繫象理絕名言皇太子分擢黃離
纘基青陸北搖傳樂仰金聲而竊媿東明御辯瞻玉裕而
多慙九載勤經漢儲斯陋一朝成賦魏兩韜英旣覩天文

頂戴無已爰抽祕藻讚歎功德行二聖之僊詞闡三藏之
幽鍵載揚佛日永導元津開夏景於蓮華法流逾潔泛春
光於貝葉道樹增榮俾夫聖藻長懸與天地而無極真如
廣被隨塵沙而不窮凡厥含靈知所歸矣

大唐故尚書右僕射特進開府儀同三司上柱國

贈司徒并州都督衛景武公碑

并序

有唐建極將事補天物色異人營求國器採六奇於楚將
而疆宇廓清探九蹟於商賢而彛倫式敘若乃西戡建闕
字東闕公諱靖字藥師隴西成紀人也源夫龍德在躬法

混成而謂道援靈象臂縱飲羽以窮神譬諸吞乙皇靈由

其闕梓靈源所漸美地冠於神洲國謀攸章茂緒光於列

代蓋以被於金石無俟一二詳焉曾祖懽後魏河秦闕一

州刺史闕一縣開國公闕和復瑛殷五州刺史永康縣公

中南降靈材高文梓關西出將氣蓋削成遊刃六條理禁

絲而有緒擁旄千里闕軍事荊州刺史綺歲權奇慕成

慶之高義弱齡耿介服子路之嘉言竟能繫馬埋輪自立

之譽走魂闕一骨以闕五公心闕以納方邵於胸中

輔趙辛於跨下豈非帝錫賢弼以胙聖人比夫闕一成作

欽定全唐文卷一百五十二許敬宗

師用康漢道滋泉入繇實沃

闕一

心生

闕八

之

闕行事咸

施可久謀而後動智越老成寬而納眾量含多士數召與

語嘉其志氣每商榷通變靡究

闕一

涯

闕

之可畏矣年十

有六長安令調為功曹蓋以望表黃圖光膺禮賁英標赤

縣不謝弓招俄而雍州引

闕一

賓

闕二

策

闕

崩次骨嚴科

濫加端士天倫之長竟被凝脂由是除公為汲縣令歷安

陽三原考績連最於時寰中萬宇並

闕

設地險而分疆公

乃以德安邊長城弛柝運奇料敵合境無塵於時黿鼉為

梁久盤澤國盜驪窮轍留滯

闕一

鄉公

闕

而渙汗流湯之

旅猶未倒戈漸臺之眾尚嬰窮壘故知元天覆構非斷齧

之所持巨壑騰波豈精衛

字闕一

能

字闕一

公

闕

引居周衛申

之以心膺太宗地居帝子冥應寶圖則哲欽明內韞知臣

之鑒推心通夢預投

字闕二

之

闕

溪赤堇守江塹以誰訶由

是命公撫寧荒憬建旗直指進次蔓州招集遺黎將申問

罪銑徒再肇跨有羣

字闕一

利

字闕一

沈

闕

止授以兵權慰勉

瘼傷人皆拔拒奮揚衰怠髮並衝冠孤城掩扉已經二載

能勝兵者裁八百人夜赴賊

字闕一

乘其

字闕一

意

闕

揚塵翳

景我師旣剋人皆色變公徐撫馬策而謂眾云賊擾且囂

是其怯也及未成列可以薄之

闕一

二百人蔽山

闕是清

定因請孝恭進圖蕭銑詔授行軍總管便事首途於時八

月涼秋稻水湊荆門之阨二江行潦

闕四

嶺之

闕其巢勢

若疾雷敵必無備遠徵不可以應速近召未足以成軍計

日就擒此兵家之上策也由是

闕一

計

闕一

爲先鋒

闕之

爭搏救其懸命處死地以圖山先犯後軍

闕一

師遂惡賊

爭虜掠散地交馳公親率前茅射虛而進擒其僞帥由是

闕

江撫循嶺外承制選補百越率從敕授嶺南道安撫大

使檢校桂州總管東漸閩區南踰象浦雕題鑿齒并

闕烈

闕一
字 霓分繡投醵惠深時雨玉桴括野候玉弩以馳威金

錫乘飆指金陵而振旅僵短狐於洞澤則淑浦闕一流漸

長闕太宗統極寵渥增隆徵拜刑部尚書參圖國政別食

邑四百戶仍以本官行太子左衛率未幾轉兵部尚書再

闕俱遠若乃旄頭上列星野於是分區大沙下布地脉因

而致絕謂天驕子代蹙中原隨氏季年長圍宸闕一自茲

闕引弓超忽白登不聞吟鏑公乃輕齎畢景隨飛雪而長

駟勒騎通霄箭遺風而遠襲奄逾高闕勢若飆馳潛闕二

庭闕一如闕之功是稱繁賴進封代國公增邑三千戶加

位左光祿大夫餘官如故曩代和我賞褒舞佾昔人出塞

闕一字號冠軍以闕尚書右僕射當權執憲象雨露之無私

緯俗經邦法岳瀆之爲紀遠清邇晏畫一之道無闕一翊

政還醇闕一字三闕上不能抑下詔從之加授特進許其閑

逸散金之賞擬迹疏公松子之權比肩張傳安車宏大隱

之義闕二字協闕太宗憫茲視穴瘡彼遊魂乃詔徵公爲西

海道行軍總管於是撫羽申令立表卽戎懸旌鄣善之阿

酣戰崑崙闕彼有慙德改卦衛國公授濮州刺史疇其爵

邑子孫承嗣太山如礪信誓之文不渝鏤鼎傳銘世祿之

闕字一方闕詔曰儀比台階允歸時望位參衮職必俟茂勲

是以漢之鄧騭垂芳於往載晉之鄭袤著美於當時特進

衛國公靖闕居端副志在奉上知無不爲叶贊之道旣彰

止足之風彌遠自違朝寵仍屬沈疴攝養私第炎涼亟改

言念闕職事望重台槐職雕神化追蹤昭伯勝映前猷繼

美叔林儀形當代庶將乞言膠序相禮云亭天下憇留俄

從化闕以闕詔贈司徒使持節都督并汾箕嵐四州諸

軍事并州刺史給東園祕器班劍卅人羽葆鼓吹凶事所

須并命優闕景武公禮也惟公才膺衡石契合休明受律

九天之上收功四維之表洞庭狼顧翦不崇朝惟楊

闕三字

如闕始濟東流遠閱揭日未淹西崕已晦將軍從驃之客

望祁山而慟懷丞相開閣之賓對佳城而掩泣乃與家

闕一

字室闕

猗歟茂族同源帝先鬱雲標隴切漢分川

闕一字

牀攸出金

興在旗洪基誕聖末派生賢秦州忠烈執羈從

闕

顧盼揚

采鼓動生風惟皇作極求賢委政軒后順風有虞申命在

我明辟道包前聖擬漢藩荆如周引鄭

闕一字

宮南紀

闕智

繳大風威殲鑿齒夷波海澨廓氛江汜昏昏鹿塞水祿祿雞

田編穹浹野蘊沴蒸天受律橫奮電掃雲塞闕著績溢宇

騰聲壑舟潛徙國棟俄傾託辰沈曜愛景韜精朝念明暮

哀深詔葬士思令範緬懷宗闕一晉原不闕二山闕

唐并州都督鄂國公尉遲恭碑

蓋聞嶽靈昭貺協其神者申甫緯象騰斌含其精者伊傅

用調芳玉鉉增耀金符譬八柱之承天猶四溟之載地是

以邠郊創業冥契非虧一作熊之兆沛野開基鬱會攀鱗之

傑莫不凝徽簡策篆勳戈鼎此裂河西而濟美期礪嶽以

疇庸若乃經啟睿圖彌綸聖業扈兵師於丹水夷餌石之

祆渠振文策於烏江掃拔山之巨祲抑揚七佐鎔鑄五臣
致我后於勛華軼前修於樊灌名高絕代其在忠武公乎

公諱恭字敬德河南洛人也

一作朔州善陽人

原夫玉派靈長控

昌源於弱水瓊基峻遠峙層構於軒臺叶粹氣以擒賊威
橫朔野奄崆峒而擅武跡跨中原亦猶江馬南浮圖基巨
麗溟鯢北運激勢扶搖是故軒冕傳華半神州而交蔚忠
良秀美煜帝里而馳芬與夫由余去危斥翦鶉而作霸口
碑受顧光珥貂而累華考諸聲實固不同年而語也曾祖
本貞後魏中郎將冠軍將軍漁陽郡開國公贈中外六州

諸軍事諡曰懋道粹黃中寄侔丹化襲徽章於珪瑞飛茂
績於鍾鏞大父益都北齊左兵郎中遷金紫光祿大夫入
周濟州諸軍事濟州刺史雕鏤杞梓黼藻人倫用匪齊鉤
亟深微管之寄價符趙壁愈擅入秦之美考伽隋授儀同
三司衛王記室皇朝追封常寧安公贈汾州刺史幽州都
督材緯三端揚鏹武庫位階一命頓轡文房下調悲於季
葉飾壤昭於昌運故知壯氣猶生貫千秋其尚想名臣不
作瞻九原而增悼再緝部符之贈式冠封墳之典公鄧林
抽穎崑嶠疏源非假七齡早鬱凌霜之幹爰滋九潤先孕

聯雲之寶瞻言廣術企列戟於髫初屬想傾義俯迴戈於
度內雄姿岐嶷覆簣裁規沈勇潛貞涌泉韞量飾躬由禮
檢性依仁匪衛拔於齊桃亟翹誠於孟荀言泉河瀉應千
里而無違俠氣飈騰輕百金而有裕加以鈐符元祕劍術
精微偃月疏營右澤左陵之勢浮雲寫陣鵝張鶴列之奇
莫不夙契靈臺暗窮神奧由是譽光日下聲蓋秦中而翠
虬驤霧必先階於尺木紫鸞追風初發蹤於步武爰膺執
戟之選以效棄觚之節蒙授元帥都督拜朝散大夫轉正
議大夫加銀青光祿大夫大業十二年也未展雄飛載羈

下列何意乎九苞呈瑞儼彩司晨一角效祥儔蹤警夜俄
而運鍾旒冕疑政弛永疑衣大浸襄陵長虹貫日公迺行
吟梁父希管晏以思齊屈跡淮陰俟蕭張而佐命皇家補
傾極振頽綱提劍風驅援旗電掃劉武周不稽天氣實暗
人謀怒窮轍以抗威臨焦原而自逸公見縻昏僞迫以驅
馳取譬辛毗甫依袁而免戾同夫馬援聊寄隗以偷全尚
鞠醜徒據其危堞太宗俯離鳳邸親御龍韜軍次介休將
屠僞邑早欽英略深嘉義勇飛箭以述皇威投金以申同
德公鑒窮無象識照先機虛一作雪西楚之如狼陋張角之

吠犬遽歸真主期乎定人擢授秦府統軍於時帝道維新
王途多故瑞雞之野式靜雲雷獻蜃之川來均霜露蕞爾
凶狡久肆回邪載動神兵冀行天罰救楚妙算雖獨運於
沖襟授律宏規固思憑於猛將乃以公爲行軍總管遵彼
前茅一作旌旄追奔若順海乘茲破竹潰敵如決河積甲齊山
中嶽由其咸定封屍築觀王城於是乂安飲至鎬京策勳
居最所賜金帛蓋以千箱其後六統偏師五爲總管北殲
猾夏南廓滔天戮鯨鯢於洙泗弱驂驪於漳滏所向風靡
賞鉞彝班時外難初康內釁方兆春坊階亂構禍深於戾

園季屏窮凶爲蠹尤於傲象公早參帷幕思固宗祧驟起
聖懷累明大義九年六月二凶伏辜雖天道禍淫蓋賴君
之算也擢拜左衛大將軍兼太子左衛率貞觀元年授右
武大將軍屯兵數萬咸令統領職厯二官兼司七校龍飛
靜拆總禁旅於瑤山馬珥臨戎肅嚴兵於錡禁於是威馳
銀榜寵峻金吾拜上柱國吳國公食邑三千戶實封一千
三百戶若遷疑黼曰疑疏峰奄衡巫而廓鎮雷導風一作服
驅瀉江漢以咸池餘礫涵輝明珠韜媚是稱奧壤獨擅雄
州佇寄惟良以敷景化連帥之重僉曰爾諧貞觀四年授

襄都鄧浙唐五州都督襄州刺史班朝警俗載屏丹帷虛
汗遷澆寧因赭服布中和而驛化浹旁潤以馳威惠澤潛
通吐浪由其絕渚仁風普暢肅谷所以浮江弛風牘於東
皋歲儲京庾契成麟於西序家知禮讓道彼湘沅俗均鄒
魯里稱冠蓋旣洽毗謠地接股肱佇求人瘼八年授光祿
大夫行同州刺史封建功臣改封鄂國公冊拜宣州刺史
昔炎周裂壤滎陽茂十邑之庸有晉疇榮壯武峻重封之
典校其優劣詎可扶輪累遷靈卹夏三州都督懋茲宏德
亟牧大藩控十角於星街信覃元塞總百城於天塹義偃

朱方端委之風褫危冠而變俗羶裘之長棄鳴鏑以歸仁
及乎紫封流渥朱輪徙傳莫不情深借寇戀切留黃可謂
柔遠以德人稱遺愛者矣旣而俯鑒忘筌景文成之茂躅
深惟滿器躡大傳之高蹤漏促銅儀循良夜之不懈體安
玉杖諒坦路之難追奏欵青規辭榮絳闕特迴天睠賜一作

肆其誠請於是冊拜開府儀同三司禮秩加等已而從容

廊廟怡暢邱園架嶽圖蓮疏池瀉箭後堂歌吹通逸響於
南鄰別業林泉接芳陰於西第加以陶風元穆勳胄兼資
里選高陽門承通德故能聯姻瑤腑結慶璿枝榮亞元吉

寵班右威清樓聳構遙通婺女之津黃閣凝扉近接天孫
之館長筵綺合韋珠與謝玉交輝廣廡雲闕浮籥共擬金
遞奏庭烏効祉燮曜槐端隙駿流年俄潛柳次嗟乎巨川
旣濟奄遷舟於夜壑高臺遽傾倏摧梁於夢奠粵以顯慶
三年十一月二十六日邁疾薨於長安之私第春秋七十
有四皇上情切宗臣痛深國老舉哀別次罷朝者累辰昔
平仲云亡趨輪軫慟宣尼告逝述諫申哀未足方此撤縣
喻斯輟祭追贈司徒詞曰飾終之典實屬於勳賢追遠之
恩光歸於令望故開府儀同三司上柱國鄂國公敬德志

局標舉基宇沈奧忠義之節厯夷險而不渝仁勇之風雖
造次而必踐款誠申於伯府茂績展於行陣西漢元勳韓
彭非重東京名將吳鄧爲輕著恭肅於軒陛馳聲猷於藩
岳方隆朝寄之榮便追止足之分闡雄林而兼濟植高操
而孤往道映千古舉光百辟與善俄審殲良奄泊永言遺
烈震動於心宜崇禮命式旌幽壤可賜司徒使持節都督
并蔚嵐代等四州諸軍事并州刺史餘官封並如故所司
備禮冊命給班劍四十人及羽葆鼓吹贈絹一千五百段
米粟一千五百石陪葬昭陵葬事所須並宜官給并賜東

園祕器儀仗鼓吹送至墓所仍送還宅并爲立碑仍令鴻臚卿瑯琊郡開國公蕭嗣業監護光祿少卿殷令名爲副使務從優厚稱朕意焉又下諡詔曰名以實稱事光於前典諡爲表禮縟厚於尊言故博聞強立少傅擅文成之美行剛服遠冠軍膺景桓之賜故開府儀同三司上柱國鄂國公贈司徒并州都督敬德襟宇宏邵機神祕遠氣茂英果情馳義烈闡雄圖而贊業標峻節以凝功道叶宗臣望隆時宰爰升九命之寵宜享三尊之位福謙從說悼往增酸奉上危身誠許國之貞操安人和衆亦經邦之懿範式

詳茲典錫以大名可諡忠武仍遣使持節備禮告柩以顯
慶四年歲次己未四月丁未朔十四日庚申陪葬於昭陵
禮也惟公資和清粹稟銳雷霆勇冠六軍不失獨夫之色
志澄四海期於萬里之外登范車而繹慮撫陳室以栖情
蒼壁內融負青冥其非遠白珪外審體黃裳而愈固藝或
微而咸綜技雖末而旁該象珥初彎先穿卧石魚文且擊
遂引飛泉擅扛鼎而推雄掩蒙輪而効捷觀其事親孝事
君忠居身節與士信識通其變遠鑒窮於未形智括其神
臨事期乎不測非外物之攸獎咸宜體以自然運屬艱虞

披荆而扶帝業功宣草昧借箸以沃神襟載扈升陟爰參
誓牧掩孫吳而高視輔韓白以長驅是以捨代偃齊似青
邱之吞夢澤推堅屺銳猶黃閭之穿魯縞祥符捧日亮堯
景而增輝道契從風燮虞薰而演化故能丹書誓策青社
疏榮位兆銜珠資五申而統律寄深錫壤按十部以宣風
年暨抽簪禮優執醕懸興勝躅昭茂寵於安車納駟高門
峻朝章於行馬斯所謂道烈可紀令終有俶者歟有子右
領軍將軍寶琳鳳羽拙姿龍媒騁逸丞相之子道懋傳經
王公之孫望高倒屣掩八屯而効職副九列以騰芳履孝

揚名克隆華閭顯親穆譽爰樹豐碑紀德廬山載表茂陵
之域題貞畢阡式分京兆之阡庶令過客披文立名可則
故懷斯惠望拜知歸其銘曰

商周龍躍尹望鷹揚風雲宜感鱗鬪曾驤於赫皇祚禋禎
會昌錫茲元弼勲烈推光茂德初誕英徽早暢狼宿搞精
龜文協貺棄繻關下受符圯上祕策金韜騰猷玉帳貞心
孤邵猛氣橫飛長戈參捷雄戟雙揮蛟分承影鴈落忘歸
韜奇佇睿屈跡乘機燬起射天妖凝鬪日明一光啟半千
秀出道契披圖功宣授律冀北先馳圖南載逸受脤揚威

專征耀武馬陵削樹鳶方鑄柱雲卷鳴祠風謳嘯雨靜祲
破竹銷氛玉弩戎衣式定河帶同盟望高四履寵峻千兵
裂壤剖邑分麾建營網羅方邵躡跡良平出建隼旗入參
鳳輦名班贊玉賁光儀鉉朱戶吟笳青門樹冤金裝甫散
璇霜遽踐昔恭丹宸載奉薰琴今陪元祿空悲穀林紛紛
禮緡杳杳光沈闕桐永閔宰樹方深瞻言史策遠振徽音
大唐故中書令高唐馬公碑

蓋聞

闕

而不

闕

四

之

闕

之

闕

同

闕

神凝物表久抗梁甫

之吟運拒轍來思效扶搖之舉方

闕

三

域

闕

下省修起居

之吟運拒轍來思效扶搖之舉方

闕

三

域

闕

下省修起居

注超綜國言虔司帝舉良直之道驟簡宸心貞觀六年闕

無競惟人八年擢授承議郎行侍御史頃之加位員外散

騎侍郎仍行本闕二年轉守中書舍人久之遷持書侍御

史影纓西掖潤元紱以申闕三南闕淳贊端拱之元猷將

致五刑之厝彌綸昌運實允具瞻闕而飛文揮翰鴻波入

紫宸而衍誥任遇斯極時論榮之及大闕五闕一而闕二

十八年闕一正議大夫守中書令仍兼左庶子闕一兼朝

而順動迺闕二隨駕闕一規中山軍國務殷總歸闕二

后闕青闕七金闕一黃闕一靜闕一趨闕五闕建禮之闕

銀青光祿大夫

闕二字

飛

闕三字

於是

闕一字

其

闕七字

無所

闕幽字

往莫不

闕二字

聖

闕二字

發神衷褒善之義以彰

闕一字

人之舉

闕一字

盛

闕一字

臣特超於終古俄嬰沈瘵攝餌私庭分玉饌於

仙廚驛珍羞於御府綸

闕二字

發

闕一字

正月九日薨於萬年縣

之隆慶里第春秋卅八太宗撤懸

闕一字

悼慟結

闕一字

殲

詔以其年歲次戊申三月辛巳朔四日甲申陪葬於昭陵

賻

闕五字

葬事所須

闕一字

令官

闕一字

茅社而旌德永徽二年詔

贈高唐縣開國公食邑一千戶恩兼

闕二字

禮

闕一字

書贈幽州

都督高唐縣開國公馬周字彙冲深思用韻舉昔佐藩邱

字闕二兼隆逮闕宜申旌懷之義兼如延賞之恩可贈尚書

右僕射餘官封如故其子闕二朝散郎闕二之恩闕夷簡

神情朗晤天經地義基百行以立身覩隩升堂包四科而

敬業蕪闕二量闕高步文昌之右體無私於雨露隨方被

霜沐之歡變大造於陰陽稱物闕一平公之施闕明故得

任切近機榮躋上秩附蟬留影用表高潔之姿行馬闕知

至是焚之式符藏用危績逾迫無忘致美之心隅燭既陳

猶闕三之節闕陰德無爽緝丕構以增遙契奪金蘭幾凝

悽於宿草芳留玉樹足慰闕一於闕

姬御疇庸趙城開國望高秦右聲馳魏北奕葉提休蟬聯

種德靈慶斯遠芳闕滄茶思越純慮冥感至情天發芟除

織縞乃綜緹紉弋獵闕二隱闕一文闕雲幄累綜霜臺清

襟月湛朗議霞開黃扉夕拜紫禁朝陪簪纓闕三廟登材

闕墳麓歲寒增勵夙夜無虧望竦鶴關榮昭螭冕推轂謀

暢持衡譽闕贈闕一陵歸闕一畢闕一式陳容衛載光電

安捨袂哀盈投闕一慕積鈞臺闕貞石永闕三

大唐尚書右僕射司徒申文獻公塋兆記

蓋聞高陽洪胄響振虞庭高闕一餘闕一光闕九粵闕二

獻公字闕一公諱儉字士廉闕一字靈命闕一字河闕一字壤咸樹

懿字闕二玉闕一字金寵隆磐石鄴郇魯衛並闕四字風闕六字濟

於皇諱亦既昭於史冊此可略闕一字言焉曾祖翻闕五字尉

闕一字黃鉞闕一字尚書事闕一字清河闕五字武闕九字躬闕一字擁

樹闕四密闕一字英雄道濟闕二字實闕一字宣力祖闕一字尚書

令太尉闕四畿大都督太宰假黃鉞清河昭武王闕三十四字

搢紳闕一字義闕二字長闕三字封域是以闕二字懋績遺響被於

雲闕一字史書休範闕一字烈闕一字於典冊父勸襲爵清河王

改封樂安闕一字州闕三十字歸於闕一字禽喻炎漢闕一字宗闕三字

興於郢客既而

闕一字

臺覆構紫

闕一字

一生

闕一字

八

闕三字

一門

養素

闕一字

嘉懿德禮越箕微帝念惟良

闕四字

公

闕一字

厥

闕五

字之

闕八

液之

闕十

問學靡常師馳騁

闕一字

流因心而

闕一

字

合翺翔六藝寓目以研幾

闕六

溪而

闕一字

解精通廟略

望鬼谷以心期辨激簫

闕十

公

闕十

素里

闕三

人

闕一

祖

闕五

中書侍郎薛道衡

闕二

張左莫不聞風扼腕申以志

闕一

之交承閑載酒服其

闕二

之義雖復

闕二

之

闕二

石

闕二十

敬從

闕一

貢

闕七

郎奏太子舍人事若夫

闕一

雲

遊霧

闕一

漸陸以高驤拂日摩霄

闕一

尺木而爲本聊

闕一

字

璞

關一

心

關二十

公

關十

生

關一

服

關四

馬氏

關十

於

關一

公雅

關六

於時

關一

庭遐阻

關二

鯨鯢孔熾

關二

梟獍

公雅量

關六

於時

關一

庭遐阻

關二

鯨鯢孔熾

關二

梟獍

關二

公雅

關六

於時

關一

庭遐阻

關二

鯨鯢孔熾

關二

梟獍

關二

公雅

關六

一字公

關十

大唐

關十

握符

關一

創歷

關一

革命

關一

受昌

關一

來蘇

關一

之

關三十

度

關三十

度

關三十

度

關三十

關七

陽之

關四

少芒

關一

之

關一

尚

關一

桴鼓

關一

以公

關一

為

關一

為

關一

為

關一

為

關一

為

字

司馬

關一

大將軍

關一

奉之

關一

牧即

關一

文皇帝

關一

也

關一

神武

關一

開基

關一

開基

關一

開基

關一

開基

風雲感

關一

庶

關一

人

關十

哲之

關十

得

關五

襟若

關五

襟若

關五

襟若

關五

襟若

關五

襟若

關五

襟若

關五

如投水

關一

故以

關一

潤色

關一

造發

關二

潛機

關二

橫

關二

光贊

關三

光贊

關三

光贊

關三

光贊

關三

光贊

關三

德暉於

關二

樂善

關二

若斯

關二

而已

關二

會

關一

伊始

關六

太宗

關六

太宗

關六

太宗

關六

太宗

關六

太宗

關六

前星引

關四

為右

關四

庶子

關四

俄而

關四

紫宸

關四

射之

關四

清賞

關六

明儲

關六

明儲

關六

明儲

關六

明儲

關六

欽定全唐文

卷一百五十二

許敬宗

三

邦之命惟

字闕七

卽以其

字闕一

進拜

字闕二

封義

字闕一

郡公邑

字闕二

戶真

字闕三

賦

字闕一

百戶豐貂緡

禮發天樞之榮曜桓

珪分器

字闕三

之

字闕四

勳

字闕六

泉薄俗解珮

字闕二

章華

字闕二

剽

字闕四

通夷

字闕二

滯

字闕二

之

字闕一

地接蠻陬

字闕四

之

字闕一

變其流蕩必

字闕一

仁

字闕一

是

字闕二

公

字闕一

安

字闕一

廣高循

五督府四十八州諸軍事

字闕一

州大都督

字闕十

以

字闕六

華

陽又命公

字闕二

州大都督府長史進位左光祿

字闕四

帝

字闕一

字

居

字闕二

陽爲

字闕四

華錫趙

字闕一

憲總其藩條

字闕一

之

字闕一

字

寄允

字闕二

舉旣而

字闕四

公

字闕九

馳於劍棧開翼設

字闕二

化字闕一於字闕一謳字闕三國鳴絃字闕一絕字闕一心之字闕三險

字闕二復發字闕一之字闕一尋進封許國字闕三尚書激濁揚清

別字闕一流之涇渭昇真黜偽區三端之字闕二遂使朝字闕二

服野字闕七由茲盡字闕一多士字闕五詠又以字闕二之道義在

澄源收實字闕一宜字闕四請字闕四詔從焉於是字闕四發明優

劣字闕一量世系考正高卑不失錙銖等字闕一衡於字闕十定

嘉字闕一稱為大唐字闕六卷詔頒四海帝疇乃庸加字闕一特

進上柱國俄改封申國公字闕三州刺史字闕三如故字闕四繼

世字闕五體國字闕一義字闕二遵字闕二師字闕一之一字闕十邱字闕四

次定全事文
卷一百五十二
許敬宗
三

之闕一字十帝高其志竟不違之俄昇爲尚書右僕射闕十耀

字闕一流空闕九之闕一極宸闕一於是曾闕一進闕一開

府儀闕十綠闕三論闕一甲第黃闕九賜机禮及闕一車

字闕一止之儀撫落闕一而闕一感闕二十情頻抗廣德之

字闕五之闕四停闕一務依舊猶總闕七著文思博要於是

包含七略闕四弟闕十懷闕二就望海闕一測其闕八詳

其際合闕一二百卷上闕一延闕三幸闕一陽闕三太傅

公闕一今上闕八之道內盡家人之闕一每旦闕一朝必

字闕一優禮凡闕一斷闕一咸事闕五案闕三机及闕四儲

闕三 公闕二 并州闕二 勞發闕二 降闕三 疾私庭闕二 京

師闕一 留闕二 中使絡繹相望道路手詔紛紛慙慙旦夕

從幸靈武益增闕十 帝闕十 天慈臨訣闕一 死對闕四 懷

闕三 歆還宮輟膳悲不自勝闕一 以貞觀廿一年正闕一

五日薨於正寢中使還闕一 清闕一 出宮闕十 不念闕四

司徒闕三 勞聖體馳謁道次闕三 事闕三 之方闕三 望廬

闕六 乃命闕一 進太子詹事英國公勣持節闕一 贈司徒

使持節闕十 獻公闕四 有闕二 及夫人鮮于闕二 陪葬於

闕三 班劍闕四 鼓吹凶事所須闕一 令官給卽以其年二

月廿字闕四於九峻山之南趾墓而不墳字闕二之路字闕五太

宗親御城樓俯臨字闕二靈字闕一滅影字闕十勝字闕一敕字闕四

許敬宗字闕二慰問喻字闕一節字闕六手敕公字闕一司徒字闕三

卿字闕一風字闕四情字闕一觀字闕一行何可堪處恩深字闕二潤

字闕四緒字闕十命字闕二配享太宗廟庭洎於允子紹封字闕三

戶字闕七秀字闕一容可法貞字闕一若神下筆敷字闕一皆為警

策興字闕二論盡字闕一精微字闕一以字闕四理字闕三蘭薰玉潤

天義字闕一於字闕一賢推信敷仁字闕一道浹於字闕一子知少

之字闕二靈字闕十輻湊字闕八第如芝室望仙舟而不字闕二彼

關一 霄關七 其朱紫泊關三 在運物關一 相求關四 鬱關一

時棟關一 鈞始播關一 爲關二 於關二 檢身能關一

利物斯關一 在關三 推恩乃關四 之化關二 露之關一 沾

通夷夏之情若條風關一 必關一 加以義方關五 之觀喬

宅相外融追何關一 之酷似於是關十 公關一 私關二 酌

關一 模楷可謂關三 德國關一 人關一 者焉及稅駕東川

撒懸西關一 太宗顧瞻台耀想託關一 而究關一 流關一

雲臺關十 豐碑關二 之關一 將關四 密之痛爰象之關二

煥遽迫晏駕之關一 小關一 履關一 面承恩旨刻肌刻骨

悲字闕二之字闕五心字闕一家聲之莫紀竊惟字闕一陽沈彩闕四

字繼闕十斯義弗字闕二碑是用字闕一琬字闕四瑩兆而已